



Stjórn SSH 514. fundur

Mánudaginn 23. nóvember 2020, kl. 12:00, kom stjórn SSH saman til fundar með fjarfundarbúnaði.

Fundinn sátu: Ármann Kr. Ólafsson, Ásgerður Halldórsdóttir, Dagur B. Eggertsson, Haraldur Sverrisson Rósa Guðbjartsdóttir stjórnarmenn í SSH, Gunnar Einarsson formaður stjórnar og Hildigunnur Hafsteinsdóttir lögfræðingur SSH sem ritaði fundargerð.

Formaður setti fund og gengið var til dagskrár.

1. Kjarasamningar, stytting vinnuviku o.fl. / málsnr. 2009002

Framhald umræðu frá fyrri fundum. Mannauðsstjórar sveitarfélaganna koma á fund stjórnar SSH til fjalla um málefni tengd kjarasamningum, og styttingu vinnuvikunnar. Gestir fundarins undir þessum lið eru Alda Gunnarsdóttir, Ari Eyberg, Elín Guðný Gunnarsdóttir, Inga Þóra Þórisdóttir, Lóa Birna Birgisdóttir og Guðrún Þorsteinsdóttir sem kynna stöðu mála í einstökum sveitarfélögum.

Umræður.

2. Skilavegir – yfirfærsla vega til sveitarfélaga / málsnr. 1910012

Framhald umræðu frá 510 og 511. fundi. Fyrirliggjandi er annars vegar bréf SSH til samgöngu- og sveitarstjórnarráðuneytisins, um þörf á að ganga frá rekstrar- og viðhaldspáttum varðandi skilavegi og að samningar á grundvelli 5. mgr. 6. gr. Samgöngusáttmálans þurfi að eiga sér stað, dags. 10. nóvember 2020. Hins vegar svarbréf samgöngu- og sveitarstjórnarráðuneytisins, dags. 11. nóvember 2020. Gestur fundarins undir þessum lið er Birgir Björn Sigurjónsson. Birgir Björn kynnir stöðu þessa verkefnis.

Umræður.

Niðurstaða fundar:

Skrifstofu SSH er falið að senda bréf SSH, dags. 10. nóvember 2020, og svarbréf ráðuneytisins, dags. 11. nóvember 2020, til aðildarsveitarfélaga SSH til kynningar.

Haldinn verður kynningarfundur um stöðu mála fyrir þingmenn höfuðborgarsvæðisins og ráðherra og er skrifstofu SSH falinn undirbúningur slíks fundar.

3. Fjölsmiðjan / málsnr. 1501007

Fyrirliggjandi er erindi Fjölsmiðjunnar, dags. 2. nóvember 2020, þar sem lýst er áhrifum Covid-19 á starfseminna ásamt því að farið er fram á viðbótarfjármagn til starfseminnar vegna þeirra.



Gestir fundarins undir þessum lið eru Sturlaugur Sturlaugsson forstöðumaður Fjölsmiðjunnar og Ellen J. Calmon stjórnarformaður sem kynna framangreint erindi og fjárhagsstöðu Fjölsmiðjunnar.

Gestir víkja af fundi.

Umræður.

Niðurstaða fundar:

Afgreiðslu frestað og erindi Fjölsmiðjunnar vísað til félagsmálasviða einstakra sveitarfélaga til skoðunar.

4. Beiðni um niðurfellingu fasteignagjalda vegna Covid-19 / málsnr. 2003006

Ofangreint var tekið fyrir á 508. og 511. fundum stjórnar SSH. Á 511. fundi stjórnar SSH var eftirfarandi niðurstaða fundar bókuð í fundargerð:

Stjórn Samtaka sveitarfélaga á höfuðborgarsvæðinu telur að lögum samkvæmt sé ekki heimilt að fella niður fasteignagjöld á atvinnuhúsnæði. Hvað varðar frestun á greiðslum er kveðið á um hana í bráðabirgðaákvæði í lögum um tekjustofna sveitarfélaga, en þar kemur m.a. fram að hafi gjaldandi sem hefur frestað greiðslum á árinu 2020 orðið fyrir miklu tekjufalli á árinu 2020 geti hann óskað eftir auknum fresti fram til 15. dags. júní, júlí og ágúst 2021. Ekki verður séð að frekari lagaheimildir séu til staðar er heimili frestun greiðsla. Þá er forgangsréttur lögveðs einungis í gildi í tvö ár frá gjalddaga. Til að verða við kröfum þeim sem fram koma í bréfinu þyrfti því að koma til lagabreytinga. Er skrifstofu SSH falið að svara erindinu í samræmi við niðurstöðu fundarins.

Drög að svari samkvæmt ofangreindu liggja fyrir fundinum.

Umræður.

Niðurstaða fundar:

Skrifstofu SSH falið að vinna svarið áfram með hliðsjón af umræðum fundarins.

5. Önnur mál

a) Tillaga til þingsályktunar um aðgerðir í þágu sveitarfélaga vegna heimsfaraldurs kórónuveiru / málsnr. 191005

Ofangreind tillaga til þingsályktunar hefur verið send SSH til umsagnar.

Umræður.

Niðurstaða fundar:



Stjórn SSH tekur undir töluliði 1, 2 og 4 í ofangreindri tillögu til þingsályktunar og hvetja til þess að komið verði til móts við sveitarfélögin til samræmis við þessi sjónarmið. Þess utan hafa SSH ekki markað afstöðu til annara tillagna í þingsályktuninni sem lagðar eru fram. Að öðru leyti er vísað til umsagnar SSH um frumvarp til fjárlaga.

Ármann Kr. Ólafsson og Rósa Guðbjartsdóttir víkja affundi.

6. Ferðaþjónusta fyrir fatlað fólk / málsnr. 1711002

Í undirbúningi er nýtt útboð fyrir rammasamning um akstur með fatlað fólk og aldraða einstaklinga með leigubifreiðum. Gögn vegna þessa liðar eru fyrirleggjandi og hafa þegar verið send hlutaðeigandi stjórnarfólki með tölvupósti Páls Björgvins Guðmundssonar, framkvæmdastjóra SSH. Gestur fundarins undir þessum lið er Jóhannes Svavar Rúnarsson framkvæmdastjóri Strætó.bs. sem kynnir framangreint og stöðu vinnu við umrætt útboð, en gögn vegna þess hafi verið unnin og séu tilbúin.

Umræður.

Niðurstaða fundar:

Strætó bs. falið að setja útboðsferli vegna þessa af stað.

Fleira var ekki gert og fundi slitið kl. 13:45.